

東華錄

康熙八十三

臣王先謙敬編

臣周潤
繪恭校

康熙四十八年己丑春正月癸巳 上召領侍衛內大臣滿漢大學士尚書等問曰去年冬朕躬違和命爾等於諸阿哥中保奏可爲儲貳者爾等何以獨保允禩允禩獲罪於朕身繫縲紲且其母家微賤豈可使爲皇太子況允禩乃允禔之黨允禔曾奏言請立允禩爲皇太子伊等當輔之可見伊等結黨潛謀早定於平日矣其日先舉允禩者爲誰爾等各據實陳奏時阿靈阿鄂倫岱揆敘王鴻緒私議保舉允禩情形廷臣不便舉出於是領侍衛內大臣巴澤德奏曰具日下旨之後臣等衆人奏稱立皇太子事關繫重大臣等何敢保舉奉 上諭爾等在行間俱能效死今正爲朕效死

東華錄

康熙八十三

一

之日也不可稍有隱諱奉旨後臣等出文武分兩班序坐衆人欲保允禩遂公同入奏並無首先發言之人上曰爾等所舉皆同卽大可疑矣此必有倡首之人爾等作速詳查具奏諸臣出復入巴渾德奏曰臣等領侍衛內大臣是日集作一處實係公同保奏並無倡首之人上問領侍衛內大臣坡爾盆奏曰臣等內巴渾德先發言上又問領侍衛內大臣阿之隆尙之隆奏曰保奏允禩巴渾德發言在先是實上曰朕知之矣此事必舅舅佟國維大學士馬齊以當舉允禩默喻於衆衆乃畏懼伊等依阿立議耳馬齊奏曰是日議斯事奉旨命臣毋得干預是以臣卽避去諸臣所議臣實不知上曰朕知馬齊謬亂是以不使之干預此事朕但加究問必然發露爾等務行詳究舉奏諸臣出復入巴渾德等奏曰臣等上諭此事著漢大臣盡所欲言是以臣等見漢大

臣等山允禩遂公同保與是實 上問大學士張玉書等張玉書奏曰是日列坐於後者俱舉出允禩是以臣等公保之並無倡首之人 上曰爾等再行查奏朕至晚朝務必究其根源諸臣出復入張玉書奏曰是日滿漢諸臣奉旨齊集馬齊溫達到在臣先臣聞馬齊溫達何故召集諸臣馬齊曰命於諸阿哥中舉可爲皇太子者臣又聞所舉爲誰馬齊云衆意欲舉允禩後衆人俱舉允禩臣等因亦同行保奏 上曰此事明係馬齊暗中喻衆馬齊回來謬亂如此大事馬齊尚懷私意併等謀立允禩豈非欲結恩於允禩爲後日恣肆專行之計耶馬齊奏曰臣實庸劣無知但素經朋比懷私之事其日張玉書問臣何故召集諸臣臣答曰命於諸阿哥內舉而爲皇太子者爲此召集張玉書又問所舉爲誰臣答云尙未定聞衆人中有欲舉八阿哥者張玉書係臣等同僚辦事之

人彼既有間臣不得不答並未嘗使之保奏允臈 上曰朕欲辨明此事是以究問今既問明另候諭旨 上召舅舅佟國維至衆大臣前傳旨詰問曰前因有人爲皇太子條奏朕降殊筆諭旨示諸大臣時爾曾奏稱皇上辦事精明天下人無不知曉斷無錯謬之處此事於聖躬關繫重大若日後皇上易於措處祈速賜睿斷或日後難於措處亦祈速賜睿斷總之將原定主意熟慮施行爲善爾係解任之人此事與爾無涉今乃身充衆人如此啟奏是何心哉佟國維奏曰臣雖以庸愚解任蒙 皇恩命爲舅舅仰見聖體違和冀望速愈故奏請速定其事臣有何辭可對 上傳諭佟國維曰將來誠如爾言朕有難於措處之處自不必言衆人亦將謂舅舅所奏果是矣若朕無難於措處之處彼時將如之何日月長且試待之到彼時自知之耳人豈可懷私仇而妄言乎○

內閣士馬禮以年老解職○甲午諭滿漢諸臣曰朕自抱疾以來皇太子三阿哥四阿哥五阿哥七阿哥晝夜侍奉用藥調治今已愈矣並非諸臣醫療得痊也皇太子雖縲絏幽禁並不憾乃諄切以朕躬爲念故今釋之如彼又有不善仍可幽禁也所以拘執皇太子者因其獲戾於朕耳並非欲立允禩爲皇太子而拘執之也皇太子獲罪之處虛誣者甚多今馬齊佟國維與允禔爲黨倡言欲立允禩爲皇太子殊屬可恨朕不勝忿恚况允禩乃縲絏罪人其母又係賤族今爾諸臣扶同徇保奏允禩爲皇太子不知何意豈以允禩庸劣無有知識儻得立彼則在爾等掌握中以多方欺弄乎如此則立皇太子之事皆由於爾諸臣不由於朕也且果立允禩則允禔必將大肆其志而不知作何行事矣朕悉觀其情形故命亟釋皇太子朕聽政四十九年包容之處甚多惟

於此事忿恚殊甚朕原因氣忿成疾昨日一怒遂不御晚膳今日晨餐所食尙少如謂伊等作威可畏則好官如魯世武張鵬翮趙申喬彼何以俱不能殺之耶朕觀大小諸臣無不實心愛戴朕躬而伊等結爲朋黨故欲使朕氣忿情理可恨無如此者朕因馬齊效力年久初心俟其年老賜彼休致以保全之昨乃身作威勢拂袖而出衆人見之皆爲寒心如此不誅將誰誅乎著將伊族屬一併拘拏爾等傳聞馬齊伊之作威可畏果何益哉馬齊奏曰臣原無威勢但因事務重大心中驚懼並不知作何舉動臣罪當死奏入諭曰馬齊原係藍旗貝勒德格類屬下之人陷害本旗貝勒投入上三旗間其族中有一人身應戒行而陣亡者半乃不念朕恩擅作威勢朕爲人主豈能容此馬齊之弟李榮保妄自尊大虛張氣勢朕屢加儆戒而怙惡不悛亦當治罪馬齊等著諸王大臣會

第_一審擬奏是日康親王椿泰等遵旨審鞫馬齊等覆奏馬齊係正藍旗貝勒德格類屬下陷害本旗貝勒投入上三旗其族中並無一人行問效死者今馬齊圖謀專擅欲立允禩爲皇太子且馬齊於御前拂袖而出殊爲可惡不可留於斯世者也李榮保妄自尊大虛張氣焰亦甚可惡俱應立斬馬武與馬齊李榮保係親兄弟亦應立絞馬齊馬武李榮保及馬齊之兄馬思喀等之子孫有職者革職概行枷責其妻子並發黑龍江馬齊之族護軍參領壯圖等有職者革職其護軍披甲及閒散人俱鞭一百奏入諭曰馬齊原不諳事此數年中起自微賤歷升至大學士其處心設慮無恥無情但務貪得朕知之已久早欲斥之乃潛竊朕意而蓄是心殊爲可惡理應立斬以爲衆戒朕因任用年久不忍卽誅著卽交允禩嚴行拘禁李榮保著免死照例枷責亦聽允禩差使馬武

著革職其族中職官及在部院人員俱革退世襲之職亦著除去不准承襲又諭馬思喀在日曾有效力之處著將伊子佐領三等侍衛納爾泰從寬釋放上命將硃筆諭旨及舅舅佟國維回奏之語示衆大臣硃筆諭旨曰舅舅年老之人屢向朕所遣人云我夫妻每日祝天求佛願皇上萬歲朕思自五帝以來今日尚未及萬載朕何敢侈望及此此皆以荒誕不實之言欺朕朕不信也今舅舅既有祈望朕躬易於借處之言嗣後舅舅及大臣等唯篤念朕躬不於諸王阿哥中結爲黨羽謂皆係吾君之子一體看視不有所依附而陷害其餘卽俾朕躬易於借處之要務也又諭諸大臣原任內務府總管馬思喀事君極其肫懇凡有關君上之事皆實意奉行前鎖罕伊子故著釋放普奇楚宗斷非安靜之人俱係八阿哥相而案內株連之輩諸事無不悉知若將伊等寬容恐其

所識臣類既多復生事端爾諸大臣亦不獲安矣著將此二人掣交宗人府拘禁大阿哥朕亦不容其閒散俟朕將未完之事理畢即行嚴禁不然則必思報復矣○護軍統領趙賴以保皇太子時推病不到 上命將趙賴革職交該管王令入辛者庫當下賤差使○科爾沁達爾漢親王額駙班第及滿漢文武官員奏請復立皇太子得旨立皇太子事理應即行宣諭前因滿漢大臣有請立允禩之言朕深忿恚欲俟朕劇疾少愈將皇太子獲罪時乘隙紊亂國家首倡欲立允禩之情務期明晰今邀 天之佑朕躬漸加康豫事迹俱已昭著皇太子允禩累月以來晝夜在朕前守視湯藥其被鐘虜詛咒以致迷惑之處已經痊愈是皆仰賴 天地祖宗眷朕眇躬越年勤瘁以克有此著即查典禮具奏○乙未諭文武諸臣朕間待大臣不分滿漢體恤包容是以獲罪者甚少諸

臣嘗人人感戴自效乃九卿會議時但一二人發言衆俱唯唯其
漢大臣則必有涉於彼之事方有所言若不涉於彼之事卽默無
一語方伊等居下位時亦似可取及授大職卽僅圖自保以全其
身能賜履常講理學後爲大學士亦惟緘默自容此皆爲彼門生
掣肘故也尤可異者漢官議事前人畫奏後人亦依樣畫奏不計
事之是非但云自有公論又有至畫奏已畢始問爲何事者如此
甯不有愧於舉國之清議耶馬齊王鴻緒李振裕向在部院聲名
俱劣朕早欲罷之因念若等效力年久是以遲至今日且張鵬翮
乃一清官朕南巡時馬齊當衆前嘗之曰殺材因不饒伊銀幣遂
爾辱詈雖不畏死敢不饒之銀幣乎生人殺人乃朕之權彼焉得
操之此後爾等皆當省改凡人旣讀書知義理卽當以其所學見
之於事非僅作文已也平時讀書至臨大事竟歸無用則所讀何

書以學何事耶王鴻緒李振裕向來早應罷斥朕姑爲容忍今不可再容矣蔡升元輕浮無實楊瑄知交維濫其人品亦皆不端俱著原品休致○理藩院奏阿祿科爾沁故固山額駙巴特瑪之妻縣君叩闕稱我孀居無子將巴特瑪躬考南撫養不意考南成人竟懷異心及家下人等亦將我藐視今願以所屬人丁盡獻皇上止乞撥給六十人日後爲我夫婦二人看守墳墓 上曰此等人斷不可受縣君乃中朝下嫁者也所獻之人乃阿祿科爾沁之番兵豈可取乎爾等將朕諭旨明諭蒙古諸王照土默特蘇克圖爾之妻所獻八佐領一例暫遣官至彼處管理事務日後仍將此所獻之人安插彼旗內可也○吏部尚書馬爾漢以老乞休命原官致仕○丙申 上幸南苑諭八旗都統等朕此番抱病肌體癯瘦自分難於調治朕承 祖宗宏業垂統萬世愛養生民勤勞宵

盱理所宜然前未有神奇之德乃聞舉國兵民男婦老幼俱以朕躬不豫竭誠祈禱仰蒙上天垂慈今獲痊可已能挽弓乘馬矣爾等將此諭旨及朕躬痊愈之處明白曉諭務使比戶咸知以慰兵民祈禱懇切之意○丁酉刑部奏散給偽札之朱永祚附從一念和尙擅稱大明天德年號妄題詩句搖惑人心應立斬得旨朱永祚著卽凌遲處死○己亥先是拉藏立波克塔胡必爾汗爲達賴喇嘛青海衆台吉未辨虛實彼此爭論訴奏上命內閣學士拉都渾率青海衆台吉之使人赴西藏看驗至是拉都渾回奏臣遵旨會同青海衆台吉之使前往西藏至噶木地方見拉藏間以所立達賴喇嘛情由據云前將假達賴喇嘛解京時曾奉諭旨令尋眞達賴喇嘛今訪聞得波克塔胡必爾汗係眞達賴喇嘛亦不能信又問班禪胡土兄圖據云波克塔胡必爾汗係達賴喇嘛

我便同之安置禮楊非敢專擅奏入命議政大臣等議尋議拉藏所立達賴喇嘛既問之班禪胡土克圖確知真實應毋庸議但達賴喇嘛例有封號令波克塔胡必爾汗年幼請再閱數年始議給封又青海衆台吉等與拉藏不睦西藏事務不必令拉藏獨理應遣官一員前往西藏協同拉藏辨理事務得旨依議其管理事務著侍郎赫壽去

二月壬寅朔諭大學士等觀今之部院司官殊不如昔或長於理事而人輕浮或優於學問而短於辦事欲得辦事優而又極謹慎者甚少禮部尚書富甯安爲人謹而信以今視之甚善但始終不易亦未可得而知也○癸卯以臚敏圖爲內閣學士

由少詹事遷

○己

酉上巡幸畿甸啟鑒○以年羹堯土思軾俱爲內閣學士

年羹堯由

翰林院侍講學士王

思軾由通政使遷○丁卯禮部奏多羅安和郡王側妃故得旨

五旗諸王宗室等並不爲朕勤勞效力每將朕事敗壞這喪事不
必令朕之諸阿哥及福金等會集惟著八阿哥與伊福金去○戊
辰 上還京師○己巳諭舅舅佟國維曰爾曾奏皇上凡事斷無
錯誤之處此事關繫重大日後易於措處則已倘日後難於措處
似爾未便等語觀爾所言必是捨命陳奏爾乃國舅且爲大臣榮
貴極矣年已老邁子孫甚多若欲捨命見朕之病勢漸增卽當親
身入內奏云醫生等既可入內我又何不可入我親身領醫生診
看晝夜侍奉湯藥使朕疾得痊方係實心方可稱爲舅舅乃漠不
相關並未嘗念及朕嗣朕仍賴皇太子及諸阿哥晝夜侍奉率領
醫人診看進藥調理仰蒙 上天護佑今已痊愈由是觀之爾並
非實心乃置身兩可意謂皇上若獲痊愈我仍謁祿食苟且度日
儻有不測則皇太子將何所往必合我言矣此非爾之本意乎皇

太子允初前染瘋疾朕爲國家而拘禁之後詳查被人誣陷之處將鎖鑰物俱令掘出其事乃明今調理痊愈始行釋放朕將此情由俱會硃筆書出詳悉諭諸大臣今譬有人因染瘋狂持刀砍人安可不行拘執若已痊愈又安可不行釋放而必欲殺之乎朕拘執皇太子時並無他意殊不知舅舅之計出大言激烈陳奏者係何心也諸大臣之懦狀朕已知之不過碌碌素餐全無知識一聞舅舅所奏之言衆皆恐懼欲立八阿哥爲皇太子而列名保奏矣且蘇努鄂飛普奇之祖俱曾止法故伊等邀結黨羽悚動人心不可謂之無意也皇太子立已三十餘年並無他故朕爲人君臨御既久安享太平並無難處之事臣庶託賴朕躬亦各安逸得所今因有舅舅所有之言及羣下小人就中肆行捏造言詞所以大臣侍衛官員等俱終日憂慮若無生路者此事關繫甚重今衆人之

心既如此憂慮不安朕躬及皇太子三阿哥四阿哥五阿哥七阿哥父子六人亦必至於志意不舒弗獲安適也諸小阿哥又無足論矣中心寬暢者惟大阿哥八阿哥耳鄂倫岱隆科多順安顯與大阿哥相善人皆知之爾等又欲立八阿哥爲皇太子將置朕躬及皇太子諸阿哥於何地耶亂臣賊子自古有之今觀衆人情狀果中舅舅所奏日後難於措處之言矣爾爲舅舅聞外邊匪類妄言理應禁止爾乃倡造大言驚駭衆心有是理乎爾既捨命陳奏必有確見之處其何以令朕躬及皇太子諸阿哥志意安舒不至殷憂之處亦可明白陳奏爾乃朕之舅舅特降此旨非欲誅爾也因衆皆憂慮須事明後衆心乃可定耳舅舅當體念朕心勉力爲之若懷藏私意別有作爲天必誅之臣從前啟奏之言俱載在檔案今並不推諉衆人因臣大言妄奏皆畏懼列名致

貽 聖體及皇太子諸阿哥之憂莫大之罪當卽誅戮 皇上雖
憐憫不誅臣何顏生斯世乎祈速誅臣示衆 上傳諭曰朕前拘
執皇太子時並未召一人商議亦未有一人陳奏皆出自朕意朕
之所行公正無私諸臣從前既未曾陳奏今又何畏懼但從前皇
太子因瘋狂妄動之時諸大臣理應勸諫或奏聞於朕其並不諫
勸又並不奏聞者卽諸大臣之重罪也至於保奏列名時諸大臣
皆不知其故糊塗書名伊等何用懷憂前拘執皇太子之日朕於
衆人前已降諭旨斷不立大阿哥爲皇太子此衆所知也大阿哥
爲人下賤無恥不堪之處大臣侍衛等無不知曉但不出諸口耳
心宵惡之朕今特爲安撫羣下降旨申明非欲有所誅戮也舅舅
前啟奏時外間匪類不知其故因盛讚爾云如此方謂之國舅大
臣不懼死亡敢行陳奏今爾之情形畢露人將謂爾爲何如人耶